

Legisladornan di Alabama ta pidi habitantenan pa no viaha pa Aruba

ORANJESTAD (AAN): Un mocion a worde pasa Diabierna den "Alabama House", unda Legisladornan ta pidi habitantenan di Alabama pa boycott tur clase di viahe pa Aruba, unda Natalee Holloway ta perdi pa mas di siete siman caba.

Esey ta informacion cu a circula Diabierna den prensa Mericano.

Di e forma aki, nan kier a djis manda un mensahe cla y raspa pa Gobierno di Aruba, cu aki riba e isla nos mester bira mas serio y acelera e investigacion.

Pa puro casualidad, net Diahuebs mes, tanto Prome Ministro Nelson Oduber y Ministro di Husticia Rudy Croes a firma un carta y a



Legislador Lesley Vance.

manda esaki pa Procurador General, pa asina confirma e instruccion pa nan usa tur metodonan legal necesario pa garantiza e involucramento di FBI pa loke ta e

investigacion encunto e desaparicion di e estudiante di Alabama.

Mientras tanto, na capital di Alabama, esta Montgomery, e mocion cu a worde pasa ta expresa preocupacion cu ningun hende a worde acusa ainda den e desaparicion di Natalee.

E mocion a worde patrocina pa Representante Leslie Vance, un democrat di Phenix City. El a bisa cu e ta spera cu e menaza di perde entrada di turismo, lo encurasha autoridad di Aruba pa 'acelera e investigacion.

E legislador Leslie Vance a declara, cu esaki ta un forma pa manda un mensahe pa autoridad na Aruba, cu nos mester bira mas serio riba e



House of Representatives di Alabama mandando mensahe.

asunto.

E mocion no ta un ley. E ta djis un recomendacion cu ta

pidi turistanan di Alabama pa evita Aruba te ora cu e caso di Holloway worde resolvi.